

醫學輯要卷七

第



甘盤幼盟同校

安黃柱臣先生鑑定

南城後學謝甘澍謹輯

門人李丙寅質臣類纂

門人李賡華心亭編次

接前瀉火潤燥之劑

清燥救肺湯

治燥熱傷肺咳嗽氣逆喘嘔焦燥痿

躄諸症

經曰諸氣臍鬱皆属于肺諸痿喘嘔皆属于上又曰肺熱葉焦則生痿躄無非由火

灼金傷而然也此方純甘滋潤以葆肺藏與內經審治篇云熱淫于內治以鹹寒火淫于內治以鹹冷不同後學者宜參觀而究心焉

修固歌

救肺湯中參草麻石膏膠杏麥枇杷經霜收下

冬桑葉解鬱滋乾效可誇

桑葉 石膏 甘草 脂麻 杏仁 驢膠

枇杷 麥冬 人參

痰多加貝母  
熱多加生地

此手太陰

肺

足陽明

胃

足厥陰

肝

藥也喻嘉言製

此方自註云諸氣臍鬱之屬于肺者屬于肺之燥也諸痿喘嘔之屬于上者亦屬于肺之燥也古人以辛香之品解鬱固非燥症所宜卽用芩連瀉火之味而苦先入心反從火化又非燥症所宜也是以宗繆仲醕甘涼滋潤之法製出此方名曰清燥實以滋水卽易經所謂潤萬物者莫潤乎水是也

名曰救肺實以補胃以胃土爲肺金之母也最妙  
是人參一味仲景于咳嗽症不用者以其不宜于  
風寒水飲之咳嗽也昔醫罕讀本草經疑仲景不  
用之意而試用之用之增劇遂有肺熱還傷肺氣  
之句以人參爲肺熱之禁藥不知人參非肺熱之  
禁藥而爲肺熱肺燥之良藥也蓋其罔知不善用  
人參者耳扁鵲云損其肺氣益其氣舍人參甘涼

補陰何以瀉火而益氣哉

本從原註  
稍加刪潤

滋燥養榮湯

治火灼肺金血虛外燥皮膚皴揭筋

急爪枯或大便風秘

肺主皮毛肝主筋爪肝血不足風熱勝而金燥故外見皮

毛枯稿肌膚燥癢內有筋急便秘之症

古歌滋燥養榮湯

湯

兩地黃芩甘歸芍及芩防

秦芩防風皆風藥中

潤劑爪枯膚燥兼風秘火灼金傷血液亡

當歸 生地黃 熟地黃 芍藥

黃芩 秦艽 防風 甘草

此手太陰肺足厥陰肝藥也前證爲血虛而水涸

當歸潤燥養血爲君二地滋腎水而補肝芍藥瀉

肝火而益血爲臣黃芩清肺熱能養陰退陽芩防

散肝風爲風藥潤劑風能生燥芩防味辛能潤又秦艽能養血

榮筋防風乃血藥之使吐血治崩皆用爲使甘草甘平瀉火

入肺劑則補陰血爲佐使也

甘露飲方局

治胃中溼熱口臭喉瘡齒齦宣露及吐

衄齒血

胃之竅在口其脈上齒俠鼻溼熱內盛故口臭口瘡陽熱拂鬱胃中越出于口鼻故

吐血衄血齒屬少陰腎齦屬陽明胃二經有熱則血上從而出名曰齒衄或牙齦頰脫齒根宣露也

古歌

甘露兩地與茵陳芩枳枇杷石斛倫甘草二冬平

胃熱桂苓犀角可加均

生地

天冬

茵陳

石斛

黃芩

枳殼

杷葉

甘草

或加

桂苓犀角

此足陽明

胃

足少陰

腎

藥也煩熱多屬于虛二地

二冬石斛甘草治腎胃之虛熱瀉而兼補也茵芩  
苦寒折熱而去溼火熱上行爲患故又以枳殼枳  
杷葉抑之而降下行也

炙甘草湯

仲景

治傷寒脈結代心動悸及肺痿咳唾

多心中溫溫液液者

脈動而中止能自還者曰代血氣虛衰

不能相續也心中動悸真氣內虛也按傷寒脈結  
代與雜病不同與此湯補氣血而復脈肺氣虛則

成痿胃中津液之上供者悉  
從燥熱化爲涎沫故濁唾多

古歌

炙甘草湯參薑桂麥冬生地大麻仁大棗阿膠加

酒服虛勞肺痿效如神

炙甘草

生薑

桂枝

人參

阿膠

生地

麥冬

麻仁

大棗

水酒調服

此手太陰

肺

足太陰

脾

藥也人參麥冬甘草大棗

益中氣而復脈生地阿膠助營血而寧心麻仁潤

滑以緩脾胃薑桂辛溫以散餘邪加清酒以助藥力也聖濟經云津液內枯五藏痿弱營衛涸流涇劑所以潤之麻仁麥冬阿膠地黃之甘潤經益血復脈通心也喻嘉言曰此仲景傷寒門中之聖方也千金翼用治虛勞外臺用治肺痿究竟本方所治亦何止二病哉

潤腸丸

東垣

治脾胃有伏火大便秘澹不思食風結

血結

風結卽風秘由風搏肺藏傳于大腸或素有風病者亦多秘氣秘由氣不升降血秘有亡

血虛津液不足熱秘由大腸熱結冷秘由冷氣橫于腸胃凝陰固結津液不通非燥糞也

古歌

潤腸丸用歸尾羌桃仁麻仁及大黃或加芫防皂

角子風秘血秘善通腸

大黃 歸尾 羌活 桃仁 火麻仁 蜜丸

一方有防風風溼加秦芫皂角子

燒存性用

此手陽明胃足陽明大腸藥也歸尾桃仁潤燥活血

羌活搜風散邪大黃破結通幽麻仁滑腸利竅血

寫火潤燥

和風疎腸胃得潤則自然通利矣

丹溪曰古方通大便皆用降氣

品劑蓋肺氣不降則難傳送用枳殼沉香訶子杏仁等是也又老人虛人風人津液少而秘者宜滑之用胡麻仁阿膠等是也如妄以峻藥逐之則津液走氣血耗雖暫通而即秘矣必變生他症

通幽湯

東垣

治衝門不通上衝吸門噎塞不開氣不

得下大便艱難名曰下脫不通治在幽門

查考人身內景圖內註云下脫即幽門胃之下口也人身上下有七門皆下衝上也幽門上衝吸門

吸門即會厭氣衝其吸門之氣不得下歸肝腎爲上掩飲食者也

陰火相拒故隔噎不通濁陰不得下降而大便乾

燥不行胃之溼熱與陰火俱在其中則腹脹作矣

治在幽門使幽門通利泄其陰火潤其燥血生其

新血則幽門通吸門亦不受邪膈噎得開脹滿俱

去矣是濁陰得下歸地也蓋亦經言清陽出上竅

濁陰歸下竅之義耳

澍叅註

古歌

通幽湯中二地俱桃仁紅花歸草濡升麻升清以

降濁噎塞便閉此方需有加麻仁大黃者當歸潤

腸湯名殊

上藥皆潤燥  
通腸之品

當歸身

生地黃

熟地黃

升麻

桃仁

紅花

甘草

或加檳榔麻仁大黃名潤腸丸

此手陽明

胃

足陽明

大腸

藥也當歸二地滋陰以養

血桃仁紅花潤燥而行血檳榔下墜而破氣滯加

升麻者天地之道能升而後能降清湯不升則濁  
陰不降經所謂地氣上而為雲天氣下而為雨也

瓊玉膏

申先生

治乾咳嗽

有聲無痰謂之乾咳脾中有溼則生痰病不由于脾

故無痰肺中有火則咳病  
于肺火盛津枯故乾咳

地黃

四斤

茯苓

十二兩

人參

六兩

白蜜

二斤

先將地黃

熬汁去滓入蜜煉稠再將參苓為末和入磁罐  
封口水煮半日白湯化服曜仙加琥珀沉香各

五錢自云奇妙以琥珀以降肺寧心  
沉香以升降諸氣

此足太陰脾藥也地黃滋陰生水水能制火白蜜

甘涼性潤潤能去燥氣為水母土為金母故用參

苓補土生金蓋人參益肺氣而瀉火茯苓清肺熱

而生津也

麥門冬湯金匱治火逆上氣咽喉不利論曰止逆下  
氣此湯主之

麥冬 半夏 人參 甘草 大棗 粳米

此手太陰

肺

足陽明

胃

藥也喻嘉言曰此胃中津

液乾枯虛火上炎之症用寒涼藥而火反升徒知  
與火相爭知母貝母屢施不應不知胃者肺之母  
氣也仲景于麥冬人參粳米甘草大棗大補中氣

大生津液隊中增入半夏辛溫一味用以利咽下

氣此非半夏之功實擅用半夏之功古今未有之

奇矣

按半夏亦脾胃藥能燥能潤以能行水故燥  
以味辛故潤也仲景治咽痛不眠皆屢用之